

14. **M**itis, bonus ac benignus, vultu semper hilaris
 pacificusque, mansuetus, lenis, peritissimus,
 simplex quidem et modestus morum flores conferens.
15. **N**am servivit mente Christo devotus et corpore,
 cui sua membra sacra mortificans subdidit,
 mundi huius refutando pompas et delicias.
16. **O**mnia factus ut lucrum omnibus perficeret,
 formam sumpsit iam prefati apostoli egregii,
 quin ut Petrus Christi agnos diligendo pascuit.
17. **P**auperum et peregrinorum amator et egenorum,
 pater vero orfanorum susceptorque hospitum,
 parvulorum pedagogus, solator tristantium.
18. **Q**uanta eius erga omnes adfuisse bonitas,
 nullius lingua conlaudare ipso tandem sufficit,
 stilo namque exarare poterit per singula.
19. **R**ector igitur et pater monachorum, regulae
 conservator recordatur semper seriem,
 qui culpantes post correptos noxam nunquam recolit.
20. **S**erpens latens in fructa ipsumque momorserat,
 suis manibus expressit virus quod emiserat,
 mox sanavit ipse ulcus, cicatrix nec paruit.
21. **T**antam gratiam curandi deus illi contulit,
 ut a lapide precissos artus unius monachi
 de saliva ut linivit, sospitati reddidit.
22. **V**asum unum quod refertum deorsum eversum est,
 cumulum sursum restauravit terris nec effuderat,
 orarium ipsum detegit suusque cooperiens.
23. **X**risti lumen intempesta noctis dum vigilias
 consuetas pervagaret, preibat ut filios
 Israelis protegente columna igniferens.
24. **Y**mnis, psalmis canticisque modulatis vocibus
 concinnavit immolando deo sacrificium,
 spiritales semper laudes regi regum optulit.
25. **Z**elum zelans karitatis zelum plenus domini
 antiquo hoste deceptore cum triumpho caruit,
 sese celos conditori collocavit meritis.
26. **G**loriam deo decantemus, oremus et pariter,
 ut qui eum coronavit ipsius pro meritis,
 nobis veniam concedat paradisi et gaudia.
 Amen.

14, 1 'uultus' C. 'hilares' verb. 'is' B C. 14, 3 'floru' verb. 'res' C.
 15, 2 'sui' B. 17, 1 'Pauperes et peregrinos' C. 'egenos' C. 17, 2 'sus-
 ceptio' C, verb. 'torque' B. 17, 3 'pedagogos' C, verb. 'gus' B. 18, 2
 'ipsi' verb. 'so' C. 19, 2 'butem semper' B, 'butet semper' C. 20, 2
 'oppressit' B. 'uiros' C, verb. 'rus' B. 'quos' C verb. 'quod' B. 21, 2
 'preccisos' verb. 'sus' B, 'percussus' C. 26, 1 'cantemus' C.